

Եթովպիա նախ օգտուեցաւ :

Փորթուզալցիք փորձեր կատարեցին Հապէշիստանը փրկելու մահմետականներու հարստահարութիւններէն, սակայն չյաջողեցան առաջին անգամ և Դաւիթ, որ անոնց օգնութեան դիմած էր՝ առանց իր ակնկալութիւններուն պսակուելիք տեսնելու, մեռաւ և իր տեղը թագաւորեց Կղոտիոս (Ագոնց, նոյն, էջ 512) :

Միեւնոյն ատեն մեռաւ Փորթուզալի էմամանուէլ թագաւորը (1521) և գահակալեց Յովհան Գ. (1521—1557), որ Հնդկաստանի փոխարքայ սնուանեց Ստեփաննոս տէ Կաման (+1550), որդին՝ հոչակաւոր Վասքօ տէ Կամայի (1469—1524) և որ հրամայեց հետապնդել Կարմիր ծովու մէջ թուրքերն ու Արաբները : Ստեփաննոս տէ Կամա 1535ին նոր մեծ նաւատորմիդով մը մտաւ Կարմիր ծով և երկար ատեն փնտռեց թշնամին, զոր չկրցաւ գտնել սակայն, վարնդի ապահով նաւահանգիստներ ապաստանած էր ան :

Ճարահատ՝ 400 զինուոր(1) ցամաք հանեց ի Մաքուա, իր եղբոր՝ Քրիստափորի հրամանատարութեան տակ, արշաւելու համար դէպի երկիրին ներսերը, բայց անձրեւային եղանակը արգելք եղաւ անոնց առաջանալ և օգնութեան հասնիլ Կղոտիոս կայսեր : Այս վերջինը իր զօրքով ապաստանած էր Հապէշիստանի հիւսիսային կողմը, փախելով Արաբներուն առջեւէն, որոնք գրաւած էին երկիրին կարեւոր դիրքերը :

Մէկէմէտ Կրայն, իր հեւախոյզներէն իմանալով որ Փորթուզալի զինուորները շատ պզտիկ թիւ մը կը ներկայացնէին, պատրաստուեցաւ յարձա-

(1) Ոմանք 700 կը նշանակեն այս թիւը :